

## DYDDIADUR GWEITHREDU

### Cyfnod 1 – I'w weithredu erbyn 2 Tachwedd 2009

Rhif yr argymhelliad	Argymhelliad
2	Dylai Aelodau'r Cynulliad allu hawlio am ad-daliadau am dreuliau rhesymol a ysgwyddwyd wrth gyflawni busnes y Cynulliad.
3	Dylai fod yn ofynnol i Aelodau Cynulliad sy'n hawlio treuliau am weithgaredd sy'n gysylltiedig â'u dyletswyddau fel Aelodau Cynulliad ddarparu'r dystiolaeth ddogfennol briodol ac eglurhad, os oes angen, i ddangos eu bod wedi ysgwyddo'r gost a bod y gweithgaredd wedi'i gyflawni.
8	Ni ddylai fod cysylltiad awtomatig uniongyrchol mwyach rhwng cyflogau Aelodau Cynulliad a chyflogau Aelodau Seneddol.
9	Mae'r cyflog sylfaenol cyfredol o £53,108 i Aelodau'r Cynulliad yn briodol, a dylid ei godi hyd at fis Ebrill 2010, yn unol â chwyddiant. (fel ar gyfer staff cymorth yr Aelodau).
10	Y lefel sylfaenol a ddefnyddir ar gyfer uwchraddio cyflogau yn y dyfodol fydd y cyflog ar 1 Mehefin 2009.
13	Dylai cadeiryddion pwyllgorau dderbyn tâl atodol swydd-ddeiliad o naill ai £12,000 y flwyddyn neu £8,000 y flwyddyn. Dylai Comisiwn y Cynulliad benderfynu pa dâl atodol sy'n berthnasol i bob cadeirydd pwyllgor, a hwnnw'n berthnasol am weddill tymor y Cynulliad. Dylai deiliaid swyddi ychwanegol sydd ar hyn o bryd â hawl i'r un tâl atodol â chadeiryddion pwyllgorau ddal i fod yn gyfartal â hwy.
14	Yn dilyn etholiad nesaf y Cynulliad, dylai deiliaid swyddi ychwanegol dderbyn taliadau atodol ar ben eu cyflog sylfaenol yn ôl yr un gyfran â'r un a fydd yn berthnasol yn dilyn yr addasiadau a ddisgrifir yn argymhelliad 13. Bydd y cyfrannau hyn yn cael eu hadolygu gan y Corff Adolygu Annibynnol o bryd i'w gilydd.
23	Dylai'r taliad safonol o £30.65 a hawlir gan Aelodau'r Cynulliad wrth aros dros nos o'u prif gartref gael ei diddymu cyn gynted â phosibl.
27	O hyn ymlaen ni ddylai Aelodau'r Cynulliad hawlio am ddodrefn ac ati ar gyfer eu hail gartrefi.
29	Dylai Aelodau Cynulliad cymwys allu hawlio, lle y bo'n briodol, ad-daliad am filiau cyfleustodau, treth y cyngor, band eang, yswiriant a thrwydded deledu ar gyfer yr ail gartref a ddarperir gan y Cynulliad.
31	Dylai'r Lwfans Costau Swyddfa i Aelodau'r Cynulliad barhau ar y lefel bresennol ar gyfer costau swyddfa a hysbysebu cymorthfeydd.
32	Dylai'r ddarpariaeth costau swyddfa leol alluogi Aelodau Cynulliad i gael ad-daliad am yr holl gostau rhesymol, yn amodol ar argymhelliad 31, yn ymwneud â rhedeg swyddfa leol ac ymwneud ag etholwyr. Dylid cyflwyno derbynebaw neu brawf o'r gwariant gyda phob hawliad, a dylai'r trefniadau misol newydd ar gyfer cyhoeddi gwybodaeth am dreuliau Aelodau barhau.
35	Gyda chymeradwyaeth Tîm Cymorth Busnes yr Aelodau, gall Aelodau'r Cynulliad hawlio darpariaeth Lwfans Costau Swyddfa ychwanegol o ran y swm dros £2,000 mewn unrhyw flwyddyn ariannol a gaiff ei wario yn eu swyddfeydd lleol ar ddiogelwch o bob math a mynediad i bobl anabl; a chaiff y swm gormodol hwn ei ad-dalu yn ychwanegol at y

## DYDDIADUR GWEITHREDU

	Lwfans Costau Swyddfa sylfaenol.
48	Dylai Aelodau'r Cynulliad barhau i gyflogi eu staff eu hunain.
49	Dylai gwasanaethau cyflogres y Cynulliad Cenedlaethol barhau i weinyddu costau cyflogau'r holl staff, gan nodi ar ran pa Aelodau y gwneir hynny.
58	Dylai Comisiwn y Cynulliad barhau i dalu cyfraniadau yswiriant cenedlaethol y cyflogwr, a hynny allan o lwfans cyflogau staff Aelodau'r Cynulliad. Dylid nodi ar ran pa Aelodau y gwneir hynny.
59	Dylai uchafswm cyfraniadau pensiwn y cyflogwr barhau i fod yn 10 y cant o'r cyflog blynyddol gwirioneddol.
61	Mewn achosion dilys, dylid caniatáu defnyddio'r gronfa ganolog i dalu am gostau staff llanw dros dro. Dim ond ar gyfer swyddi parhaol y dylid gwneud taliadau am staff llanw o'r fath. Ni ddylid caniatáu taliadau am staff llanw os yw'r swydd yn un dros dro.
84	Yn ogystal â'r cyfrifiaduron a'r offer TGCh arall a ddarperir yn y swyddfa ym Mae Caerdydd a'r swyddfa yn yr etholaeth, dylai pob Aelod Cynulliad barhau i gael un ddyfais BlackBerry (neu ddyfais debyg), un ffôn symudol, un gliniadur, un llinell dir a chysylltiad â band eang.
86	Dylai'r holl offer TGCh a roddir i Aelodau'r Cynulliad barhau i gael eu cofnodi ar gofrestr asedau a dylid eu dychwelyd i Gomisiwn y Cynulliad pan fo Aelod yn gadael.
87	Dylai cyfraddau teithio fesul milltir barhau i fod yn seiliedig ar y rhai a osodir gan Gyllid a Thollau Ei Mawrhydi a dylent fod yn berthnasol i Aelodau'r Cynulliad a'u staff.
89	Dylai Aelodau'r Cynulliad barhau i fod yn gymwys i hawlio costau teithio rhwng eu cartref, y Cynulliad a swyddfeydd lleol.
90	Dylai'r trefniadau teithio presennol ar gyfer partneriaid a phlant Aelodau'r Cynulliad, fel y nodir yn Adran 6 o Benderfyniad Cyflogau a Lwfansau 2009, aros fel y maent.
92	Dylai Aelodau'r Cynulliad a'u staff roi'r gorau i logi ceir ac eithrio o dan amgylchiadau eithriadol.
96	Dylai teithiau y tu allan i'r DU barhau i gael eu cymeradwyo ymlaen llaw gan Dîm Cymorth Busnes yr Aelodau (ac eithrio teithiau i Frwsel a Strasbourg).
98	Dylai Comisiwn y Cynulliad adolygu'r polisi presennol ar gyfer trefniadau parcio yn swyddfeydd y Cynulliad ym Mae Caerdydd o ran Aelodau'r Cynulliad, eu staff a staff y Cynulliad – o ran tegwch y ddarpariaeth, polisi cynaliadwyedd ac effaith ar adnoddau.
104	Y Pwyllgor Archwilio ddylai fod yr enw newydd ar y Pwyllgor Llywodraethu Corfforaethol.
105	Y Pwyllgor Cyfrifon Cyhoeddus (Cymru) ddylai fod yr enw newydd ar y Pwyllgor Archwilio presennol.